

Admela Hodžić

Zastupnica u Skupštini Kantona Sarajevo

Federacija Bosne i Hercegovine

Bosna i Hercegovina

Kanton Sarajevo

Skupština Kantona Sarajevo

Vlada Kantona Sarajevo

N/r predsjedavajućeg

ZASTUPNIČKO PITANJE

Na osnovu člana 211. Poslovnika Skupštine Kantona Sarajevo („Službene novine Kantona Sarajevo”, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22) upućujem ministru Ministarstva privrede Kantona Sarajevo, gospodinu Deliću, i ljubazno ga molim da nas izvjesti o rezultatima dosadašnjih provedenih aktivnosti proizvodnje žitarica u KS, odnosno o inicijativi koju sam uputila prema Ministarstvu kojom sam tražila da se u narednom period planiraju i izdvoje sredstva za Općinu Hadžići a koja će se koristiti za stavljanje u funkciju Silosa za žitarice u Tarčinu, te da se također sredstva izdvoje i kreiraju programi podsticaja za narednu sezonu sjetve za poljoprivrednike Kantona Sarajevo koji žele isključivo zasijati žitarice ove godine.

Obzirom da sam dobila odgovor da se ove aktivnost već provode od 2008. godine tražim da nas izvjesti o rezultatima i učinku protekle tri godine (2020. 2021. i 2022. god.) kad je došlo do enormnog povećanja cijena žitarica zbog pandemije i rata u Ukrajini.

OBRAZLOŽENJE

Ako su učinci do sada donesenih mjera neznatni i nemaju uticaj na snabdijevanje i stabilnost cijena na tržištu iz tog razloga sam podnijela ovu inicijativu a ne zbog toga da me obavijestite da taj vid podsticaja već postoji ali je nedovoljan zbog enormnih promjena na svjetskoj sceni i tržištu uopće.

Smatram da nešto što je vrijedilo 2008. godine danas ne možemo smatrati kao mjeru dostatnu da se poveća proizvodnja jer su cijene i sjemena i goriva i đubriva enormno veće, te se zbog toga poljoprivrednici i ne usuđuju upustiti u proizvodnju žitarica bez značajnijeg većeg podsticaja.

„Upoznajete“ me, kako ste napisali u svom odgovoru, da je Zakon o novčanim podsticajima u poljoprivredi i ruralnom razvoju na području KS u proceduri, ali da li to treba da shvatim kao razlog zbog značajno manjeg iznosa planiranih sredstava u Nacrtu Budžeta za poljoprivredne podsticaje.

Zbog svega navedenog upućujem ovo pitanje i tražim izvještaj o rezultatima mjera koje se već provode za proizvodnju žitarica u protekle tri godine u KS.

Molim Vas da nas u što skorije vrijeme izvjestite o poduzetim aktivnostima, a najdalje do kraja javne rasprave o Nacrtu Budžeta za 2023. godinu.

U prilog pitanja odgovor Ministarstva privrede Kantona Sarajevo.

Sarajevo, 22.02.2023. godine

Admela Hodžić

zastupnica